





diversas essentias, & isto modo identitas, & distinctio essentialis est mutua. Secundo modo illud est idem essentialiter alteri, quod includit illud alterum in sua essentia, tanquam sui constitutum, & contra illud distinguitur essentialiter ab altero, quod non includit illud in sua essentia, ut sui constitutum, & in hoc sensu locutus est Scot. de identitate essentiali sub nomine identitatis formalis in 1. dist. 2. quest. 7. Hb. ubi in hoc sensu inquit, inferior esse essentialiter idem cum superiori. Tertio modo illud dicitur idem essentialiter alteri, quod constituit eius essentiam, & contra illud distinguitur essentialiter ab alio, quod non constituit essentiam eius, qui modus frequenter est ceteris, & traditur a Scoto quodlibet. 1. D.

Juxta igitur primum modum, totum erit essentialiter distinctum a partibus unitis, & contra, nam sicut partes, & totum sunt tres res, & tres substantiae, ita tres essentiae praesertim inter se distinctae, quarum duae priores incompletae sunt, & tertia ex his completa. Juxta secundum modum, qui est minus frequens, partes unitae distinguuntur essentialiter a toto, & non e contra, quia totum includit partes in sua ratione formali, & quidditativa, & non e contra. Juxta tertium denique modum, totum distinguitur essentialiter a partibus, sed partes identificantur essentialiter cum toto, ut Scotus docuit loc. cit. quodlibet. D. quia sicut docuit Aristot. 7. Metaph. text. 7. principia intrinseca sunt constitutiva essentiae totius, eaque definiunt, & ideo illi essentialiter identificantur. Accedit, quod tam materia, quam forma sunt partes quidditativae compositi, & totum dependet a suis partibus dependentia essentiali actuali, ergo includit ea in sua essentia, atque ideo sunt illi essentialiter in hoc sensu identificata. Et quia haec tertia acceptio identitatis, & distinctionis essentialis est magis frequens in scholis, & rerum naturis consentanea, ideo simpliciter, & absolute dicendum putamus, quod partes sunt idem essentialiter cum toto, non e contra, & universaliter includunt eum includente, atque ita etiam breviter decidi poterit inutilis contentio inter veteres Scotistas de identitate essentiali inter gradus Metaphysicos superiores, & inferiores apud Formalistas.

Solentur Rationes adversae.

165 **I**n oppositum obiciunt unanimiter Recentiores omnes, praecipue Hurad. & Averla, probantes primo, quod totum neque ratione distinguitur a partibus unitis. Totum quidditativae concipi nequit, nec praecise, nec divisive sine partibus, ergo neque per intellectum distinguitur ab eis. Resp. negat. contra, quia nec etiam unum relativum quidditativae concipi potest sine correlativo, & tamen non sentitur, quod nec etiam ratione distinguitur ab eo, non enim ut aliquo duo ratione distinguantur, exigit, ut unum possit concipi sine alio, sed illa dicuntur ratione distingui, quae secundum diversum esse rationis possunt fundare contradictionem, quod utique convenit toti, & partibus, ut constat ex prima conclusione.

Sed contra, in hoc relativa distinguuntur ab absolutis, quod illa nequeunt intelligi sine aliis, bene tamen absoluta, quia sicut absolutum habet entitatem ad se, ita & intelligibilitatem, sed totum est entitas absoluta, ergo cum sine partibus intelligi nequeat, dicendum est, partes unitas non esse aliud ab eo. Resp. relativum distinguitur ab absoluto ex hoc, quod illud coexistit ad sui intellectum, quod non est de essentia, at absolute vel nullo modo coexistit, vel si aliquid realiter distinctum coexistit hoc est de essentia illius, neque per hoc eradicativum, sed ad hoc eius intellectus est ad se, quia non coexistit aliquid extrinsecum.

Sed contra, si totum coexistit partes ad sui intellectum, quia sunt de essentia totius, ergo realiter ab eo non distinguuntur, Probatur consequentia, essentia non distinguitur, nisi ratione ab eo, cuius est essentia, sed tota hominis essentia sunt partes unitae, ergo &c. Probatur minor, definitio dicit totam rei essentiam, & est conceptus adequatus definiti, sed definitio non continet nisi partes unitas, aliter si aliquid aliud esset in homine, per hoc quod est animal rationale metaphysice, aut anima, & corpus physice, non haberetur conceptus adequatus hominis.

Resp. pegando consequentiam, ad cuius probat. negatur minor, quia partes unitae sunt de essentia hominis in obliquo, ad tota essentia hominis in recto est tertia entitas includens partes unitas, Ad Probat. Canonice concedit minorem, & ad majorem inquit, quod definitio dicit totam rei essentiam, & est conceptus adequatus definiti non comprehensivus, sed indicativus, & explicativus, quatenus enim explicat principia essentialia, constitutiva, consequentia etiam dat intelligere illam tertiam entitatem partes includentem, non enim requiritur, quod haec tertia entitas explicetur cum partibus in definitione, quia non est in toto, ut quadam comparatur concurrens, sed ut tota entitas ex illis constituta. Bassolus autem negat minorem, & inquit, quod anima, & corpus, materia, & forma non sunt tota definitio compositi, sed sunt partes definitionis, sicut sunt partes definiti, & ait, quod non bene explicatur, quod fit homo, dicendo, quod est corpus, & anima in recto, sed debet dici in obliquo, quod est substantia constituta ex anima, & corpore.

Sed dices, bene explicatur metaphysice, dicendo in recto, quod est animal rationale, ergo bene explicatur physice, quod est corpus, & anima unita. Resp. Bassol. negando paritatem, quia animal, & rationale, cum in concreto sumantur, dicunt totam

definiti essentiam, at partes physice, cum in definitione sumantur, ergo etiam per modum partis, non possunt poni in recto.

166 Secundo ex Hurado, unitum nihil addit supra unionem, & partes unitas, quia partes denominantur unitae ab unione, quae in illis solum recipitur, praeter quas nihil aliud ab unione denominatur unitum, at unitum idem est, ac creatio, quod compositum, ergo compositum nihil addit supra unionem, & partes unitas, nec differre a partibus unitis, nisi voce, & grammatico discrimine: Probatur minor, Tum quia unitum dicitur partes simul sumptas cum unione, hoc autem formalissime est compositum, quia compositio est simul positio, vel conjunctio plurium rerum, ergo compositum erit partes illae tali compositione affectae. Tum secundo, quia eadem realitas partium sub unione denominatur unitum sub nomine partium, & unum sub nomine compositi, sed a parte rei formalissime esse unum est esse unitum, & e contra, ergo partes unitae, & compositum unum sola voce differunt, & in modo loquendi, vel concipiendi; Probatur minor, nam esse unitum est esse indivisum, esse autem indivisum, est esse unum; Tum tertio compositum est utique unum, non quidem unum simpliciter, sed unum compositum, sed non potest dici intelligi unum sine partibus unitis, ergo idem est formalissime a parte rei, esse unum compositum, & esse unitum; Tum quarto, dum intelligitur forma informare materiam, praecisa omni alia entitate, ibi intelligitur totum aliquid compositum, sed forma informare materiam, est esse sibi unitum per informationem, ergo unitum idem est in re quod unitum; Probatur major, quia ubi intelligitur compositio, ibi necessario intelligi debet compositum, nam non potest intelligi forma in subiecto sine effectu formali, sed ubi intelligitur unio informationis, ibi intelligitur compositum, cum compositio non fit aliud, quam unio partium, quae per unionem dicuntur componere compositum.

167 Resp. vim argumenti pendere ex aequivocatione vocabulorum, & confusione unionis, & unitatis unionis, & compositionis, compositionis activae, & passivae, si enim haec omnia rite distinguamus in composito, argumentum nihil penitus concludit; unio igitur, & unitas distinguuntur, quia unio est partium, & in partibus recipitur, & illas denominat unitas, unitas vero est compositi, in illo recipitur, ut ejus propria passio, & denominas illud unum, idem indistinctum in se, & distinctum a quocunque alio, quod non est ipsum, unio est relatio praedicamentalis, unitas vero est passio realiter identitativa cum composito. Item compositio est duplex, activa, & passiva, compositio activa, cum non fit nisi causalitas activa, quae partes causant totum, quod componunt, recipitur in partibus unitis, & illas denominat componentes, non compositas, cum fit activa, & terminatur ad totum, nec est formaliter, nec realiter idem cum unione, quia unio est inter partes, non inter partes, & totum, causalitas vero est inter partes, & totum, quia partes causant totum; unio est respectus extrinsecus adveniens, causalitas vero intrinsecus adveniens; compositio tandem passiva est compositi, in composito recipitur, & illud verè denominat compositum.

Ad argumentum igitur, concessa majori, neg. minor, ad primam probat. concessa majori, iterum neg. minor, ad probat. dicimus, hic nos accipere compositionem, non modo grammaticalem sed philosophicam, ut idem significat, quod causalitas intrinseca, activa quidem ex parte partium componentium, passiva vero ex parte totius constituit; modo autem grammaticam non solum unitas, & simul positae, vel conjunctae dicitur compositum, sed unaquaque singulatim dicitur composita, ut notat Bassol. in resp. ad 3. princ. quia unaquaque simul cum alia ponitur, unde hic arguendi modus est puri Grammatici, non Philosophi. Ad secundam probat. negatur major, licet enim partes sub unione denominentur unitae, id tamen quod dicitur unum, non sunt partes, sed quod ex ipsis coalescit, negatur etiam minor, quod idem sit formaliter esse unitum, & unum, quia esse unitum est effectus formalis unionis receptus in partibus, & partes efficientes, esse autem unum est effectus formalis unitatis receptus in composito, illudque efficiens, ad Probat. verum est, esse unitum idem esse, quod esse indivisum, unde eo ipso, quod duo sunt unita, sunt etiam indivisa, sed fallum est, quod esse unum eadem sit, potest esse, quae alterius dicit esse indistinctum, quod verificari nequit de materia, & forma unitis, sed solum de toto ex his constituto. Ad tertiam, concessa assumpto, negatur consequentia, solum enim sequitur, quod unum compositum non dicitur sic unum, nisi per inclusionem plurium unitorum ad invicem. Ad quartam negatur major. Ad probat. conceditur major de compositione passiva, quia ubi haec reperitur, ibi intelligitur compositum, quod est ejus effectus formalis, negatur de activa, nam effectus formalis ejus est componens, non compositum, & conceditur minor de compositione activa, non quod unio informationis fit formaliter ipsamet activa compositio, ut assumitur in argumento, sed quia haec necessario concomitantur illam, ut docet Doct. in 4. dist. 1. quest. 1. B.

168 Tertio omne absolutum, quod est res, potest esse sine eo, a quo realiter distinguitur, sed totum nequit esse sine partibus unitis, nec e contra, ergo &c. Resp. ex Scot. 2. dist. 1. quest. 5. M. majorem valere quodlibetque illud est prius, & non adeo essentialis dependentia, vel saltem necessaria connexio ab intrinseco procedens, modo totum essentialiter dependet a partibus, & est posterius illis, unde nec mente concipi potest sine illis, quia sunt de essentia ejus. Contra, urget Averla, accidens est posterius

substantia

substantia, essentialiter ab illa dependens, tamen potest separari, ergo, sic etiam totum a partibus. Resp. negando paritatem, quia accidens non dependet a subiecto, ut a causa intrinseca, & compositum non dependet a partibus, unde forma dependet a subiecto in genere causa materialis extrinseca solum, non intrinseca, quia de causa non potest appellari dependentia essentialis simpliciter, sed tantum secundum quid, ut ait Doct. 4. dist. 12. quest. 1. proprie finem.

Sed iterum urget Averla, ergo saltem partes unitae, quia non dependet a toto, & sunt priores toto, poterant separari, & unitate existere sine toto, Zerbisus 7. Metaph. quest. 19. solvendo quintam difficultatem id gratis concedit adhuc negans illud unitum esse totum; sed melius Resp. utique ex his capitibus non implicare, sed implicat ex hoc, quod habent necessarium connexionem cum effectu, cum sine ea cause intrinsecae, & quavis Dens possit impedire effectus causarum extrinsecarum, non tamen intrinsecarum, ita Licher. in 3. dist. 2. ubi notat, nec effectus per resistentiam posse a Deo impedi, ut est relatio similitudinis posita hac, & illa abedine, nec effectum formalem in subiecto positae, ut esse album. Contra, inlat Averla, ideo non potest forma conservari in subiecto sine effectu formali, quia hic est ipsa forma communicata subiecto, ergo entitas totius non erit partibus distincta, si neque esse sine illis. Resp. quod siquid fit de antecedenti, de quo dicitur est supra quest. 3. art. 2. negatur consequentia, longè enim veritas causarum physico modo compositum a materia, & forma, quam effectus formalis extrinsecus a causa formali.

Sed adhuc instabis, inseparabilitas per Scot. ex triplici capite provenire potest, vel quia sunt simul natura, vel quia unum est prius, alterum posterius ab illo essentialiter dependens, vel ex identitate reali, ita in 2. dist. 1. quest. 1. M. ex quo dist. 2. quest. 2. insert. naturaliter, necessario est idem illi, si impossibile est, illud aliud esse sine illo, quod nihil distinctum realiter ab alio, sine quo esse non potest sine contradictione, est prius eo, sed vel est posterius eo, vel simul natura, cum igitur partes unitae sint priores toto, vel esse poterant sine eo, vel non distinguuntur ab eo realiter.

Resp. cum ait Doct. quod quando repugnat, unum esse sine alio, quod non est prius ipso, nec simul natura, id semper arguere inter ea reale identitatem, intelligit, si talis repugnantia ab intrinseco veniat, ita hic explicat sub N. non autem si fit ab extrinseco, ut est in proposito, quod enim partes unitae esse nequeant sine toto, provenit ex alio extrinseco, nempe ex eorum unione, quae illi accidit, & ea supposita nequeunt non causare totum, non autem talis necessitas provenit ex absoluta eorum entitate, ita Licher. 2. dist. 12. quest. 2. in responsione ad instantias Cajet. contra maximam Scoti, omne absolutum prius alio, &c. Dices, repugnat partibus ut unitis ab intrinseco, ergo &c. Resp. antedecens indifferenter implicat, ideo ab intrinseco ut unitis, dato enim, quod ly *re* reduplicat rationem formalem, ab intrinseco non potest esse ita repugnantia, sed ab extrinseco ipsis partibus, ut repugnat, posita abedine in parte non resiliatur effectus formale, non tamen est illi identitativa, quia absolute potest sine illo esse, si a subiecto separatur.

Potes, an partes unitae saltem concipi possint sine toto? Resp. hoc fieri non potest, quia, si talis conceptus esset divisivus, possunt tamen concipi praecise non concepto toto, quod in hunc la non modo intelligendum est, quia cum partes unitae sint adequata causa totius, possunt in tali statu dupliciter considerari, materialiter, & formaliter, ut de quacunque causa dicimus ad suum effectum relata, si secundo modo considerentur, nec etiam praecise poterunt concipi, toto non concepto, quia sic sub relatione causae considerantur, si tamen considerentur primo modo, poterunt concipi, toto non concepto, & tunc erit concipere omne id, quod concurrat ad constituendum totum physicum, non autem ipsum, nec totum physicum.

Sed contra, urget Averla, hoc aggregatum, nimirum partes unitae, ut sic conceptae, praecise, non est per accidens, sed per se unum, constat enim ex per se potentia, & per se actu, ut partibus, & causis intrinsecis. Resp. negando, hoc aggregatum esse per se unum, sed erit duo per se unita, partes enim sunt in unum non unitatem, negatur etiam, quod constet ex materia, & forma, ut causis intrinsecis, nam illud unitum non est causatum, sed est omne id, quod intrinsece causat compositum physicum; de hac ipsa difficultate vide qua diximus sup. 1. Log. quest. 5. art. 2. in explicatione dist. realis contra Meurif, quia ea perterit descendit a communi Scotistarum sententia.

169 Quamvis, si totum distinguitur realiter a partibus unitis, vel distinguitur ab eis secundum de totum, vel secundum aliquam partem, non primo modo, quia sic secundum omnes partes suas (hoc enim significat *vel secundum de totum*) distingueretur ab omnibus partibus suis, quod implicat, nec secundo modo, quia tunc secundum unam sui partem distingueretur realiter ab omnibus partibus suis, quod partem implicat, quia in illis omnibus involvitur etiam illa, secundum quam distinguitur partem.

Resp. totum distingui a partibus suis unitis se toto cathegorematicè sumpto, quia ipsa ipsius tertia entitas est se ipsa distincta a suis partibus, nec sequitur ex hoc, secundum omnem sui partem ab omnibus suis partibus distingui, quia tunc fit transitus a toto cathegorematicè sumpto ad totum sumptum syncathegorematicè,

quod supponit pro omni, & qualibet parte totius, quae distinctio traditur a Scoto 4. dist. 11. quest. 1. A. & est valde notanda. Contra, haec tertia entitas vel est aliquid additum materiae, & formae illas excludendo a sua entitate, vel illas includendo; non primum, quia sic foret entitas simplex; si secundum, ergo non potest ut sic ab illis distingui, quia tunc secundum quod includit materiam, & formam, & materia, & forma distingueretur, quod implicat, quia ut a partibus contradistinctum eas includere nequit.

Resp. aliqui Scotistae, concedendo, esse entitatem simplicem, si in abstracto sumatur, ita Rocus cit. ad 6. sed hoc implicat in terminis, & est manifeste contra Doctorem 3. dist. 2. quest. 2. *Synerium ad tertium*, &c. & dist. 22. quest. unic. *S. Quantum ergo*, &c. & 4. dist. 11. quest. 3. B. quibus in locis docet, partes esse de essentia totius etiam in abstracto, quia nunquam totum praedicatum potest a partibus, & ideo concedendum est secundum membrum, & neganda consequentia, cujus probatio valeret, si diceremus, hanc tertiam entitatem secundum se totam syncathegorematicè a partibus inclusis distingui, quod non asserimus, de quo vide Zerb.

Sed contra, distinctio de totis, & adequata cadit tantum inter ea, quorum unum non includit aliud, nec aliquid alterius, & eo ipso quod unum includit aliud, vel aliquid alterius, non potest ab eo adequatè distingui, sed tantum inadeguatè, & per aliquod sui, unde communiter dicitur, quod includens ab incluso distinguitur inadeguatè, cum ergo totum distinguitur a partibus, ut includens ab inclusis, non potest ab illis distingui se toto, & adequatè, sed tantum per aliquod sui, & inadeguatè, ita arguit Amic. cit.

Resp. distinguendo antec. unum potest dici se toto, & adequatè distingui ab alio dupliciter, vel quia unum non est alterum, nec aliquid unius est aliquid alterius, & hac ratione se totis distinguuntur entia disparata, quorum unum non spectat ad integritatem alterius, & ita totum non distinguitur a partibus se toto, quia partes sunt aliquid compositi, nec talis distinctio potest unquam esse inter includens, & includum; 2. modo potest unum dici ab alio distingui se toto, quia distinguitur ex sua ratione formali, ita quod unum formaliter, & realiter non est aliud, licet unum fit aliquid alterius, & ita compositum distinguitur a partibus per hoc praecise, quod est entitas includens illas, & non e contra, quia ratione includens est semper se ipso ab omnibus inclusis distinctum, & non per aliquod ejus, quod est ab illis distingui se toto cathegorematicè sumpto, & hoc valde notandum est contra Adversarios, qui putant, includens nullo modo posse ab inclusis distinguere se toto, & adequatè, sed tantum inadeguatè, & per aliquod sui, quod fallum est, si ly *se toto* cathegorematicè sumatur.

170 Sed contra adhuc obicit Ruvis, haec tertia entitas cathegorematicè sumpta, vel includit partes, vel non, si primum, ergo adhuc cathegorematicè sumpta non distinguitur ab illis realiter, quia distinguitur aliqua dist. non se includens secundum sensum ejus, ut si aliqua duo distinguantur ratione formali, non possunt se formaliter includere, ergo ea, quae distinguuntur realiter, non possunt se realiter includere. Resp. quod eas includit, sed neg. contra, cum probatur, dicimus ad antec. dicitur, quod si per inclusionem intelligitur identitas propria illi distinctio, sic conceditur antec. sed negatur ultima consequentia, si vero per inclusionem intelligitur contentia vera, & realis unius in alio, sic negatur antec. unum enim eorum, quae distinguuntur formaliter, vel realiter ideo dicitur diversas formalitates, vel res, potest realiter, & verè contineri in alio essentialiter.

Sed contra, additum aliquibus non includit illa, quibus superadditur, idem enim contra se ipsum non numeratur, nec sibi ipsi superadditur, ergo si totum cathegorematicè sumptum partibus superadditur, illas realiter non includit. Respondet Bassol. cit. art. 4. valere assumptum de addito per modum partis alteri comparati, non de addito per modum totius, quia hoc necessario includit illa, quibus superadditur, nec sequitur idem sibi ipsi superaddit, vel contra se ipsum numerari, quia totum non superadditur sibi, sed suis partibus. Hic per hoc solvitur argumentum Arrag. disp. 6. sect. 1. ubi sic arguit, vel enim quod addit compositum supra partes, & unionem est aliquid compositi, vel non; si secundum, impertinenter ponitur, si primum, ergo iam est pars compositi, & sic supra partes, & unionem nihil addit, sed facie responderetur hoc additum supra partes non esse aliquid compositi, sed totam ejus entitatem, non enim additur per modum partis, sed per modum totius. Sed dices, si compositum addit aliquid supra partes, non addit nisi se ipsum intrinsece includit partes, ergo addi partes super partes, ergo partes bis numerantur, & sibi ipsi superadditur, Respondet Bassolus, quod utique addit entitatem propriam, sed non ita, quod hinc intelligantur partes, & illinc totum superadditum partes includens, sic enim partes bis numerantur, & sibi ipsi adderentur, sed sic intelligi debet, quod superaddens intelligatur includere partes, quibus superaddit, & sic partes non habentur bis, sed tantum semel.

Sed dices, saltem ista tertia entitas integrabit cum partibus, quibus additur aliud compositum, quia ex unione rerum, distinctarum confurgit compositum, & ita dabitur processum in infinitum. Respond. negando consequentiam, quia tertia illa entitas non additur partibus



